

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj: 35/05), u skladu sa Odlukom o usvajanju programa utroška sredstava s kriterijima raspodjele sredstava programa "Zaštita i promocija objekata kulturno-historijskog naslijeđa i razvoj kulturnog i umjetničkog stvaralaštva" kapitalnog transfera neprofitnim organizacijama - izgradnja, adaptacija i rekonstrukcija kulturnog i graditeljskog naslijeđa utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta („Službene novine Federacije BiH, broj: 6/26) i Odlukom o izmjeni odluke o usvajanju programa utroška sredstava s kriterijima raspodjele sredstava programa "Zaštita i promocija objekata kulturno-povijesnog naslijeđa i razvoj kulturnog i umjetničkog stvaralaštva“ kapitalnog transfera neprofitnim organizacijama–izgradnja, adaptacija i rekonstrukcija kulturnog i graditeljskog naslijeđa utvrđenog proračunom Federacije Bosne i Hercegovine za 2026. godinu federalnom ministarstvu kulture i športa – federalnom ministarstvu kulture i sporta („Službene novine Federacije BiH, broj: 35/26), federalna ministrica kulture i sporta objavljuje

JAVNI POZIV
za odabir projekata koji će se sufinansirati iz Budžeta Federacije Bosne i Hercegovine
u 2026. godini

Sredstva za sufinansiranje projekata dodjeljivaće se u skladu sa Odlukom o usvajanju programa utroška sredstava sa kriterijima raspodjele sredstava programa "Zaštita i promocija objekata kulturno-historijskog naslijeđa i razvoj kulturnog i umjetničkog stvaralaštva" kapitalnog transfera neprofitnim organizacijama - izgradnja, adaptacija i rekonstrukcija kulturnog i graditeljskog naslijeđa utvrđenog Budžetom Federacije Bosne i Hercegovine za 2026. godinu Federalnom ministarstvu kulture i sporta i Odlukom o izmjeni odluke o usvajanju programa utroška sredstava sa kriterijima raspodjele sredstava programa "Zaštita i promocija objekata kulturno-povijesnog naslijeđa i razvoj kulturnog i umjetničkog stvaralaštva“ kapitalnog transfera neprofitnim organizacijama–izgradnja, adaptacija i rekonstrukcija kulturnog i graditeljskog naslijeđa utvrđenog proračunom Federacije Bosne i Hercegovine za 2026. godinu federalnom ministarstvu kulture i športa – federalnom ministarstvu kulture i sporta („Službene novine Federacije BiH, broj: 35/26).

**KAPITALNI TRANSFERI NEPROFITNIM ORGANIZACIJAMA – IZGRADNJA,
ADAPTACIJA I REKONSTRUKCIJA KULTURNOG I GRADITELJSKOG NASLIJEĐA**

I Odabir projekata vršiće se za sljedeće namjene

Ukupan iznos raspoloživih sredstava: 3.000.000,00 KM.

Sredstva će se dodjeljivati u rasponu od 20.000,00 do 200.000,00 KM.

Sredstva će se dodjeljivati za:

- građevinske i konzervatorske radove na objektima kulturnog značaja,

- unapređenje infrastrukture radi očuvanja kulturno-historijske baštine,
- projekte koji doprinose javnoj dostupnosti, edukativnoj i turističkoj funkciji te kulturološkom razvoju lokalne zajednice.

II Predmet i cilj Javnog poziva

Predmet poziva je odabir projekata koji će se sufinansirati iz sredstava **Kapitalnog transfera neprofitnim organizacijama za izgradnju, adaptaciju i rekonstrukciju objekata kulturnog i graditeljskog naslijeđa**, posebno objekata **sakralne arhitekture** sa ciljem:

- očuvanja kulturno-historijske vrijednosti objekata,
- unapređenja infrastrukture naslijeđa,
- jačanja javne dostupnosti, edukativne i turističke funkcije objekata.

III Pravo podnošenja zahtjeva

Pravo podnošenja zahtjeva na ovaj Javni poziv imaju **tradicionalne vjerske zajednice** u Federaciji Bosne i Hercegovine osim onih koje do trenutka zatvaranja Javnog poziva **nisu izvršile** povrat neutrošenih/nenamjenski utrošenih sredstava dodijeljenih po osnovu Javnog poziva iz 2025. godine, a na osnovu zahtjeva Federalnog ministarstva kulture i sporta kojim je upućen zahtjev za povrat sredstava na JRT Proračuna FBiH.

Prednost će imati projekti koji su visokog stepena tehničke spremnosti projekta i prioritetni su za implementaciju u kantonima i jedinicama lokalne samouprave te direktno doprinose prezentaciji, afirmaciji i revitalizaciji kulturnog i graditeljskog naslijeđa u Federaciji Bosne i Hercegovine.

IV Opšti i posebni kriteriji za raspodjelu sredstava

Opšti kriteriji:

1. Kulturno-historijska vrijednost objekta
2. Stanje objekta i potreba za intervencijom
3. Pripremljenost projektne dokumentacije
4. Finansijska konstrukcija i održivost
5. Doprinos zajednici i javna dostupnost
6. Usaglašenost s prostorno-planskom dokumentacijom
7. Pridržavanje konzervatorskih standarda

Posebni kriteriji:

1. Izrađena tehnička dokumentacija i pribavljene potrebne dozvole
2. Saglasnost nadležnih institucija
3. Jasno definisane faze izvođenja radova
4. Osigurana dodatna sredstva iz drugih izvora
5. Edukativna i turistička funkcija objekta nakon obnove, otvorenost za javnost i dostupnost široj zajednici
6. Usaglašenost s važećim prostorno-planskim dokumentima i zakonodavstvom
7. Usaglašenost planiranih radova s konzervatorskim standardima

V Dokumentacija

Obavezna dokumentacija i dokumentacija za posebne kriterije od tačke 1 do tačke 14 dostavlja se numerisana istim redoslijedom kako je navedeno. Numeriše se svaki papir/stranica redom i mora biti **spiralno uvezana** u cjelinu.

Dokumentacija koja ne bude uvezana i numerisana na prethodno navedeni način **neće biti uzeta u razmatranje** i smatraće se formalno-pravno neispravnom.

Obavezna dokumentacija

1. Prijavni obrazac, elektronski popunjen, potpisan i ovjeren pečatom pravne osobe (original);
2. Uvjerenje o poreznoj registraciji - identifikacijski broj (original ili ovjereni fotokopija);
3. Rješenje o razvrstavanju - Klasifikacija djelatnosti (kopija);
4. Aktuelni izvod iz Registra, ne stariji od šest mjeseci do dana objave javnog poziva (original ili kopija ovjereni u općini ili u notarskom uredu);
5. Potvrda banke ne starija od tri mjeseca do dana objave javnog poziva (original ili ovjereni kopija), u kojoj je navedeno:
 - a) da račun nije blokiran,
 - b) broj transakcijskog računa,
 - c) ID broj korisnika,
6. Razrađen budžet za navedeni projekat
7. Projektni prijedlog
8. Ugovor/Ponuda s izvođačem radova
9. Ovjereni izjava da će projekat biti realiziran u Ugovoru predviđenom roku

Dodatna dokumentacija

10. Jasan, realan i izvediv vremenski plan radova u skladu sa stanjem objekta (sanacija, preliminarna zaštita, restauracija i revitalizacija);
11. Jasan i razgovijetan razlog za navedene radove;
12. Dokaz o udjelu vlastitih sredstava u finansiranju navedenog projekta ili sudjelovanju drugih partnera u realizaciji kroz sufinansiranje projekta (potpisan i ovjeren od ovlaštene osobe);
13. U zavisnosti od vrste intervencije i pravnog statusa objekta:

13.1. Odobrenje za građenje ili građevinska dozvola od nadležne upravne organizacije za konstruktivne zahvate na objektima, rekonstrukcije, izgradnje i slične intervencije, promjene vanjskog izgleda ili postojećih gabarita;

13.2. Urbanistička saglasnost od nadležne upravne organizacije za intervencije u prostoru za koje nadležna Služba to zahtjeva;

13.3. Stručno mišljenje/saglasnost nadležne Službe zaštite za radove tekućeg održavanja:

- za nacionalne spomenike BiH: Zavod za zaštitu spomenika u sastavu Federalnog ministarstva kulture i športa;
- za ostale objekte naslijeđa: Stručno mišljenje/saglasnost Službe zaštite za niže nivoe vlasti (Ako nije uspostavljena Služba zaštite na nižem nivou, potrebno je priložiti Stručno mišljenje Zavoda za zaštitu spomenika u sastavu Federalnog ministarstva kulture i sporta);
- za radove tekućeg održavanja ili opremanja za koje nije potrebna saglasnost Službe zaštite: Suglasnost/izjava odgovorne osobe krovne organizacije kojoj aplikant pripada

14. Fotodokumentacija objekta za koji se prijavljuje

VI Dostavljanje dokumentacije

Svi zainteresovani aplikanti koji ispunjavaju uslove tražene ovim Javnim pozivom svoje programe/projekte zajedno sa zahtjevom, koji mogu preuzeti na zvaničnoj web stranici: www.fmks.gov.ba, trebaju dostaviti na adresu:

Federalno ministarstvo kulture i športa – Federalno ministarstvo kulture i sporta

NE OTVARATI – ZA JAVNI POZIV „Kapitalni transferi – izgradnja, adaptacija i rekonstrukcija kulturnog i graditeljskog naslijeđa 2026.“

***Obala Maka Dizdara 2
71 000 Sarajevo***

Na poleđini koverta obavezno je navesti naziv pošiljatelja, adresu pošiljatelja, kontakt telefon i staviti pečat organizacije.

Prijave se mogu predati isključivo putem pošte zaključno s **1. 6. 2026. godine.**

UPUTA APLIKANTIMA

- Prijavni obrazac mora biti elektronski popunjen, potpisan i ovjeren.
- Prijave koje nisu dostavljene na propisanom obrascu, netačne i nepotpune prijave i prijave koje nisu dostavljene u navedenom roku neće biti razmatrane.
- Potrebno je da aplikant dostavi spisak dokumentacije koju je dostavio uz prijavni obrazac.
- Aplikant je odgovoran za tačnost podataka u prijavi na propisanom obrascu. Ukoliko aplikant pogrešno popuni prijavu ili ne dostavi sve tražene dokumente, smatrat će se formalno-pravno neispravnim.
- Finansijski plan, koji se nalazi unutar prijavnog obrasca, treba biti detaljno razrađen po stavkama. U suprotnom će se prijava smatrati formalno-pravno neispravnom.
- **Aplikanti mogu podnijeti zahtjev za dodjelu sredstava u minimalnom iznosu od 20.000,00 KM te maksimalnom iznosu do 200.000,00 KM.**
- Potvrda banke koja ne sadrži identifikacijski broj aplikanta, transakcijski račun aplikanta i izjavu o aktivnosti računa aplikanta neće biti prihvaćena.
- Aplikant je odgovoran za dostavljanje tačnih podataka. Dostavljeni podaci ne mogu se mijenjati za vrijeme trajanja Javnog poziva.
- U tijeku realizacije projekta bilo koja promjena adrese, broja telefona, promjene kontakta, ovlaštene osobe ili broja računa kod banke, moraju biti dostavljeni u pisanoj formi ovom Ministarstvu. Federalno ministarstvo kulture i sporta neće se smatrati odgovornim u slučaju da ne uspije kontaktirati aplikanta.
- Svi dokumenti moraju biti isključivo na jednom od službenih jezika u Federaciji BiH.
- Ukoliko podnositelj prijave na zatvorenoj koverti ne upiše naziv transfera za koji aplicira, te ne navede naziv podnosioca prijave, adresu i kontakt telefon i ne stavi pečat organizacije, prijava neće biti uzeta u razmatranje.
- **Dokumente je potrebno numerisati na način da se numeriše svaka stranica/papir redom i da se spiralno uveže kao cjelina.** Numerisanje se vrši redosljedom kako je navedeno u traženoj dokumentaciji. Dokumentacija koja ne bude uvezana i numerisana na prethodno navedeni način neće biti uzeta u razmatranje i smatrat će se formalno-pravno neispravnom.
- Svi dokazi za dodatnu dokumentaciju moraju imati vidljive pečate i potpise ovlaštenih osoba.
- Dodatna dokumentacija pod brojem 13 koja se odnosi na nadležne službe iz upravnog postupka dobivanja odobrenja ili saglasnosti definiše pravni status kulturnog naslijeđa kako slijedi:
 - dobra koja su proglašena nacionalnim spomenikom BiH ili su na privremenoj listi Komisije za očuvanje nacionalnih spomenika BiH – Federalni nivo vlasti,
 - dobra kulturnog naslijeđa koja nisu pod zaštitom države – Županijski/Kantonalni ili niže razine vlasti.
- O rezultatima Javnog poziva aplikanti će biti obaviješteni putem zvanične web stranice <https://fmks.gov.ba> u roku od 30 dana od dana zatvaranja Javnog poziva.
- Svaki član Komisije bit će isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost

prijaviti sumnju na postojanje sukoba interesa, o kojem će davatelj budžetskih sredstava odlučivati pojedinačno o svakoj prijavi.

- Podnositeljima prijava po Javnom pozivu dopušta se izjavljivanje prigovora u roku od pet (5) dana od dana objave rezultata formalno-pravne ispravnosti podnesenih prijava.
 - Dopuna dokumentacije nakon isteka roka za dostavljanje prijava nije dopuštena.
 - Revidirane budžete aplikanti koji zadovolje uslove za finansiranje dužni su poslati najkasnije u roku od 48 sati od datuma zaprimanja informacije o dodjeli sredstava.
 - Aplikanti koji su zadovoljili uslove za potpisivanje ugovora o dodjeli sredstava dužni su cjelokupnu projektnu dokumentaciju dostaviti skeniranu na USB stiku.
 - Aplikanti su prilikom pravdanja sredstava dužni uz štampani dokaz dostaviti cjelokupan finansijski izvještaj skeniran na USB stiku.
 - *Aplikanti kojima se odobri iznos iznad 100.000,00 KM dužni su otvoriti zaseban transakcijski račun na koji će se doznačiti sredstva za finansiranje/sufinansiranje projekata i o tome obavijestiti Federalno ministarstvo kulture i sporta.*
 - Aplikanti koji su prethodno dostavili prijavu na Javni poziv koji je poništen Odlukom o poništavanju Javnog poziva broj: 06-11-10-2397/26 MT od dana 30. 4. 2026. godine, a kojima je na osnovu pisanog zahtjeva izvršen povrat dokumentacije, mogu dostaviti aktuelni izvod iz Registra i potvrdu iz banke koji su stariji od 6 mjeseci, odnosno 3 mjeseca, od dana objave aktuelnog Javnog poziva, ali koji nisu stariji od 6 mjeseci, odnosno 3 mjeseca, od dana objave Javnog poziva koji je poništen.
 - ***Korisnici koji do dana potpisivanja Ugovora ne dostave uredno pravdanje prethodno dodijeljenih sredstava, neće moći potpisivati Ugovor o dodjeli sredstava za 2026. godinu.***
-